

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

### **Rješenje**

**po Zahtjevu za produženje roka pojedinačnog izuzeće od zabrane Ugovora o obezbjeđivanju specijalizovane usluge teleterapije i brahiterapije onkološkim bolesnicima u okviru Kliničkog centra Banja Luka**

**Sarajevo**  
**juli, 2019. godine**



Broj: UP-06-26-4-013-7/19  
Sarajevo, 23.7.2019. godina

Na osnovu člana 25., člana 42. stav (2), a u vezi sa članom 5. i članom 6. stav (2) i (3) Zakona o konkurenciji ("Službeni glasnik BiH", br. 48/05, 76/07 i 80/09), te na osnovu Zahtjeva za produženje roka pojedinačnog izuzeća od zabrane, Ugovora o obezbjeđivanju specijalizovane usluge teleterapije i brahiterapije onkološkim bolesnicima u okviru Kliničkog centra Banja Luka, zaprimljenom dana 3.6.2019. godine pod brojem: UP-06-26-4-013-1/19, od strane advokata Igora Sjerikova iz Banja Luke, kao punomoćnika privrednog subjekta IMC, Banja Luka, Ul. Bana Milosavljevića broj 8, 78000 Banja Luka, Konkurencijsko vijeće Bosne i Hercegovine na 57. sjednici održanoj dana 23.7.2019. godine, donijelo je

### **R J E Š E N J E**

1. Odbija se Zahtjev za produženje roka pojedinačnog izuzeća Ugovora o obezbjeđivanju specijalizovane usluge teleterapije i brahiterapije onkološkim bolesnicima u okviru Kliničkog centra Banja Luka, od zabrane, u smislu člana 5. i člana 6. stav (2) i (3) Zakona o konkurenciji, kao neosnovan.
2. Ovo Rješenje je konačno i bit će objavljeno u Službenom glasniku Bosne i Hercegovine, službenim glasilima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće Bosne i Hercegovine (dalje u tekstu: Konkurencijsko vijeće) je dana 3.6.2019. godine pod brojem: UP-06-26-4-013-1/19, zaprimilo Zahtjev za produženje roka pojedinačnog izuzeća Ugovora o obezbjeđivanju specijalizovane usluge teleterapije i brahiterapije onkološkim bolesnicima u okviru Kliničkog centra Banja Luka (dalje u tekstu: Ugovor), od zabrane (dalje u tekstu: Zahtjev za produženje roka).

Zahtjev za produženje roka je Konkurencijskom vijeću u ime privrednog subjekta: Zdravstvena ustanova bolnica, IMC, Banja Luka, ul. Bana Milosavljevića broj 8, 78000 Banja Luka, dostavljen od strane advokata Igora Sjerikova iz Banja Luke, Ul Branka Ćopića 15, 78000 Banja Luka (dalje u tekstu: Punomoćnik podnosioca zahtjeva).

U Zahtjevu za produženje roka pojedinačnog izuzeća se navodi da se ponovno produženje traži na period od narednih 5 godina.

Uvidom u dostavljenu dokumentaciju utvrđeno je da predmetni Zahtjev za pojedinačno izuzeće nije potpun, pa je Konkurencijsko vijeće u skladu sa odredbom člana 29. Zakona o konkurenciji, Punomoćniku podnosioca zahtjeva za produženje roka, dana 27.6.2019.godine, pod brojem: UP-06-26-4-033-2/19, uputilo zahtjev za dopunu dokumentacije, što je ispoštovano dostavom podnesaka broj: UP-06-26-3-013-4/19 od 10.7.2019. godine.

Podnositelji zahtjeva u svom Zahtjevu i dopunama istog u bitnom navode i sljedeće:

- predmetni Zahtjev za produženje roka podnesen je u smislu člana 6. stav 3. Zakona o konkurenciji;
- da je Konkurencijsko vijeće dana 14.6.2010. godine pod brojem : 01-01-26-001-11-II/2010 donijelo Rješenje o pojedinačnom izuzeću od zabrane predmetnog Ugovora;
- da je Konkurencijsko vijeće dana 9.12.2014. godine na Zahtjev stranke i poslije provedenog postupka, donijelo rješenje broj: 02-26-4-25-13-II/2014 o produženju pojedinačnog izuzeća Ugovora od zabrane.

Potvrda o kompletnom i urednom Zahtjevu za produženje roka pojedinačnog izuzeća od zabrane predmetnog Ugovora, shodno članu 29. stav (3), izdata je od strane Konkurencijskog vijeća dana 23.7.2019. godine pod brojem: UP-06-26-4-013-5/19.

Konkurencijsko vijeće je na osnovu navoda i dokumentacije uz predmetni Zahtjev za produženje roka utvrdilo da je dana 9.12.2014. godine na Zahtjev privrednog subjekta IMC, Banja Luka, ul. Bana Milosavljevića broj 8, 78000 Banja Luka, poslije provedenog postupka, već jedanput donijelo rješenje pod brojem: 02-26-4-25-13-II/2014 o produženju pojedinačnog izuzeća predmetnog Ugovora od zabrane u skladu s članom 6. Zakona o konkurenciji.

Predmetni Ugovor je najprije izuzet od zabrane u maksimalnom trajanju od 5 godina, na osnovu rješenja Konkurencijskog vijeća broj: 01-01-26-001-11-II/2010 od 14.6.2010. godine, a potom izuzeće od zabrane produženo na dodatnih 5 godina, na osnovu rješenja Konkurencijskog vijeća broj: 02-26-4-25-13-II/2014 od 9.12.2014. godine.

Zakon o konkurenciji članom 6. stav (2) propisuje da pojedinačno izuzeće ima ograničen rok trajanja i da ne može trajati duže od pet godina, odnosno stavom (3) istog člana propisano je da se ovaj rok na zahtjev stranke može ponovo produžiti za najviše pet godina, ukoliko se dokaže da predmetni ugovor i dalje zadovoljava uslove iz člana 4. stav (3) Zakona o konkurenciji.

U skladu s naprijed navedenim, odlučeno je kao u dispozitivu ovog rješenja.

#### **Administrativna taksa**

Podnositelj zahtjeva na ovo Rješenje, u skladu sa odredbom člana 2. stav (1) tarifni broj 107. tačka b) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", br. 30/06,18/11 i 75/18) je dužan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

#### **Pouka o pravnom lijeku**

Protiv ovog Rješenja nije dopuštena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

**Predsjednica**

**mr Arijana Regoda-Dražić**